

5.12

137/4 4375




სასნასი ჟურნალი

საქართველო
საბჭოთა რესპუბლიკის
გაზეთი № 8

გაზეთი № 8

დაგეგმვის № 3

კვირა, 15 ივნისი 1914 წ.



გრ. ორბელიანის ძეგლის მოდელი—მექანდაკე იაკობ ნიკოლაძისა.

და თუ ახსნი, იქნებ მაშინ
შემიბრალო ჩემო ღმერთო,
ჩემს ზეციურს წმინდა გრძნობას
შენი გრძნობაც შეუერთო.

მაშინ მხოლოდ, მხოლოდ მაშინ
თავს დავსახავ ბედნიერად,
სხვას არას გთხოვ მე ბედკრული
—მიგულბდე ფერხთა მტვერად!..

ნუ გაფიქრებს თმა ჭალარა,
ნუ შესცქერი იქვის თვალით,
მენდე, გული მარად გულობს
აღზნებული ტრფობის ალით!..

რუს-იმერელი.

მამია

(ძღვნად მ. დ—იანის ასულს)

მარწყვის !ტუჩი, ფიფქის ლაწვი ცელქ ღიმილსა გაუგმირავს,
ანარეკლი გიზრის თვალთა—წამწამთა ტვერს დაუძირავს,—
მარგალიტის კბილთა ჯაჭვი, მარგალიტის კბილთა მძივი:
იფანტება სხივთა ოქროდ და გამოკრთის ელვა ცივი.
კდემაშლილი ძოწის ბაგე მზის სიტყვებსა ისე უბნობს:
ანდამატის ხმათა ჩქერი—ისე ჰხვდება თვით მკერდს უგრძნობს—
რომ ქვასაც კი გულს აუნთებს, რომ ქვასაც კი გულს დაუდნობს,
ცეცხლით დასწვავს შორეულსა, მაგრამ არ კი თანაუგრძნობს!..

ბროლის ყელსა კოცნით ჰქურდავს—წაბლისფერი ზილფი თმისა,
მკერდს დასცურავს ტალღა წყვილი—სახე გრძნეულ გულის თქმისა,—
თხელ ქსოვილის სამოსელში ისე სხლტება ნაკეთი სარო—
როგორც სიმზე მგონის ცრემლი, ვით მზის რტოზე ნისლის წყარო.
თითნი თლილნი, გამსჭვირვალნი—შეამკობენ მკლავთ—ჩინართა,—
მკლავნი მშვილდად ღონაზიდნი ისართ სთოვენ უჩინართა,
ტანი სცურავს სხივ-ნაკადში ტანი ლერწმობს გრძნეულებით
და იმსკვალვის აშიკთ გული გამოუცნობ სნეულებით!..

* *

გიხილე და სახე შენი ჩემს ხსოვნაში შემოცურდა:
მიუღებულ სულის ზღვაში ტრფობის ზვრითი ანმაურდა,
ხავს მოდებულ გულის სიმებს მოჰხვდა წკირა უხილავი—
აღბად გრძნობამ ღმერთი ჰპოვა და ძიებამ თვის ვარსკვლავი!..
შენ ხარ სიზმრის მეგობარი თვალთა კიდით მესერი ნათელს—
შორით გეტრფი სულის ღელვით ტ შენთვის ვწვავ გულის სანთელს!..

მე ოცნებაც მასულდგმულებს, სინამდვილე არად მინდა,
და მსურს შევქმნა უკვდავ დროსთვის მაგ ხატების ლოცვა წმინდა!—
მაგრამ თუ კი ზურგს შემაქცევ და მომაკლებ სხივთა ციალს:
შენსა მიმართ ეკლის ლექსით ზიზღს გადავცემ დროთა ტრიალს!—
რომ ოდესაც გაიხსენონ სახე შენი—ტურფა, ამო,
მას აჩრდილად თანა სდევდეს მგონის წყევლა სამუდამო!..

ს. ფაშალიშვილი.


სხვის მაგივრად

ყვავილ-ვარდებს მისთვის გიძღვნი,
რომ გეტრფი და რომ მიყვარხარ,
საამქვეყნო ნეტარებაე,
გულს მიზიხარ, სულში მყავხარ!

ნუ, ნუ მკითხავ რად მიყვარხარ,
რისთვის გიძღვნი ვარდ-ყვავილებს—
იმიტომ, რომ ზეციერო,
შენ არ გეცხარ მიწის შვილებს.

შენ სულ სხვა ხარ, მშვენიერო,
სულ სხვა ვინმე, სულ სხვა რამე
და მიტომაც შენი ეშვი
არ მასვენებს ღლე, არც ღამე.

ყვავილ-ვარდებს მისთვის გიძღვნი
ჩემის ცრემლით დანამულსა,
რომ მით ახსნა გამოცანა—
რა ცეცხლი სწვავს ამ ჩემს გულსა.



საქ. სსრ კ. მარქსის
სახ. საბ. რ-ს-ბ.
ზიგლი

კ. გალონტის ლექსები

გულის სიბრძნე

არ გინახავს, თუ ვით ოხრავს ყვავილთ შორის ნიაე-ქარი?
ის მათ ჰკოცნის, ნელა არხევეს აგზნებული და დამტკბარი.

არ გინახავს ტალღა რარივ ცისფერ ლოტოსს უაღერსებს?
იგი რარივ მას შეპტრფინავს ეხვევა და გარს წრეს ავლებს!

არ გინახავს ცის ვარსკვლავი მოციმციმე, ეთერმკრთალი?
მასთან ერთად, მის წინაშე რარივ სუნთქავს ბინდზე წყალი?

აქ სიბრძნეა, ნეტარება—ზიდავდე, გიზიდავდე,
მას აგზნებდე და იმავ დროს სული შენი თვით ბრწყინავდე.

გაიტაცო, გაიტაცოს,—ეუხმობ ჩემის გულის სიბრძნეს.
ჩემს სულს ძალუძს ასე რიგად—ყველას,—მეტად მრავალს მისწვდეს!

*

მიჰქრის ცხოვრება—სიზმარი კი რჩება გზნებული.
თავსა ვგრძნობ კარგად! ამ ჟამად ვარ შეყვარებული!

ცხოვრება მიჰქრის—ზღაპარი კი რჩება ფრთოსანი.
თავსა ვგრძნობ კარგად! სულის მეფე, ვარ მე მგოსანი!

წუთისოფელი გვევლინება ჩვენ შემხუთავად.
ხოლო ჩემს სულში ყოველივე იშლება ახლად.

თავსა ვგრძნობ კარგად! თავსა ვგრძნობ კარგად!
სანდრო შანშიაშვილი.



† მელიტონ ზოგბიჩია, გარდაიცვალა
წელს ივნისში ხარკოვის საკატორღო
ციხეში.

მეგობარს

დეე, ჰფარავდეს არეს წყვილიდი,
დე, ზღვა მრისხანე ჰქუხდეს, ჰყვიროდეს,
დე, გლოვის ზარი მეფობდეს ველად,
ზეცა ცრემლს ღვრიდეს, ზეცა სტიროდეს;
დე, საზარის ხმით, სევდის მომგვრელად,
ბედის ყორანი თავს დაგვჩხაოდეს,
დეე, ჰყინავდეს სუსხი სამყაროს,
ტურფა წალკოტიც აღარ ჰყვოდეს;
დეე, სიკვდილის შავი აჩრდილი
ბნელ არემარეს თავს ევლებოდეს,
თვით მიწაც ჰკენესდეს, მიწა გმინავდეს,
შავბნელ წყვილიდის შიშით კრთებოდეს...
ჩვენ ნუ შევედრებთ, ნუ მეგობარო,
ნუ შეგვაშინებს წყვილიდი ბნელი,
ჩვენ წინ ვილოდეთ, წინ მომავლისკენ,
გამიხსენ გრძნობა, მომეცი ხელი...

დეე, ჰფარავდეს არეს წყვილიდი,
...მზე ხომ კვლავ სცოცხლობს, ამოვა ჩქარა,
დაფლეთს, დაჰგლეჯავს წყვილიდის ღრუბლებს
და განათლდება ცისა კამარა;
მზე თავის სხივებს მოჰფენს მიდამოს,
აათამაშებს სხივებთა ელვას,
ცა გაუღიმებს არეს მხიარულს
და მრისხანე ზღვაც შესწყვეტავს ღელავს;
გლოვისა ზარი დაუთმობს ადგილს
აკორდს ზეციურს, ტკბილ სიმთა ჟღერას,
წალკოტი-ბალი კვლავ აყვავდება
და შიგ ბულბული იწყებს სიმღერას...

მაშ, ნუ შევედრებთ, ნუ მეგობარო, გულში აღვანთოთ ცეცხლი ციური
და ცხოველმყოფელ კოცონზე დავსწვთ ტანჯვა-წვალება ამ ქვეყნიური.
ი. ვადაჭკორია.

ქარიშხალი

დიდი ხნის დალაგებული, ერთ-გვარად მოწყობილი ცხოვრება
უტბად აიშლავს. გარემო შიშით, სიკვდილით და აკლებს მოლო-
დინით გაივსო და ღარიბ თავადის ოჯახში არაჩვეულებრივი აღელ-
ვება, მოძრაობა და მზრუნველობა დატრიალდა. ყველა ჰმუშაობდა:
თითონ თავადი დიმიტრი, კნენა თებრო, შვიდი წლის თამარა, გა-
სათხოვარი ანო. ყველას გაუგებრობა, თავ-დავიწყება და არეულობა
ეტყობოდა, მაგრამ გულის ძირში ყველას თითქოს ეცინებოდა კი-
დეც, ეცინებოდა იმიტომ, რომ ახალი მდგომარეობა საკომიკოსა
ჰგავდა. თითქოს მოსწონდათ კიდეც, რომ აქამდის თითქმის უსაქმოდ
მყოფთ, ესლა რაღაცა გარეგანმა ძალა დაატანა და აამუშავა. ამი-
ტომ ყველა გაფაციცებით ჰსაქმობდა, ყველა ერთმანეთს ფეხებში
ედებოდა და ამ საქმეს, რასაც წინედ ერთი მოჯამაგირე ერთ საათს
უნდებოდა, ესლა ეს ამოდენა მოფაცურე ხალხი ნახევარ დღეს ახმა-
რებდა. მაგრამ ყველას ეგონა, თითქოს ეს მოძრაობა, ეს სიარული,
კარებების წამ-რა-უწუმ გაღებ-მახუზვა, საბელ-ბოქელში გახშირებუ-
ლი სიარული, გადამეტებულია, არ საჭიროა. თითქოს შეიძლებოდა
უფრო მშვიდად, ნაკლები მოძრაობით გაკეთებულიყო ის საქმე, რო-
მელიც ოჯახში მუდამ იყო, მაგრამ ასეთი რამე აროდეს გამოუწვე-
ვია. დიმიტრი ამ მოძრაობას რომ უცქერდა უკვირდა, ეშინოდა, მაგ-
რამ თითქოს ეცინებოდა კიდეც.

მის წინ ანამ გაიბრინა. ხელში თეფში ეჭირა და დედასთან
მიდიოდა. თვალეში შიში ედგა, სახე გაბრწყინებული ჰქონდა. მამას
აღმაცერად გაჰხედა და ერთი კარებიდან მეორეში სწრაფად გაძ-
ვრა. დიმიტრიმ შეჰხედა ამ მოძრაობას, იცოდა მისი სულიერი სა-
თავე, იგი ისეთივე იყო, როგორც დიმიტრის სულის ახლანდელი
სურათი, იცოდა ეს, მაგრამ მაინც ვერა გაეგო რა.

— რა საჭიროა ასეთი ციებ-ცხელებიანი მოძრაობა? რა გამო-
დის ამით? აი, ანოს რად დაეჭირნა ორივე ხელით თეფში, გულზე



კ. მახაშვილი.
(მის თხზულებათა გამოცემის გამო)

რად მიეკრა და გაბრწყინვალეული სახით, დედასთან რად გარბო-
და?—გაიფიქრა დიმიტრიმ:—ან რადა აქვს ასე გაბრწყინვალეული
სახე. იქ რა იხატება? შიში თუ სიხარული? რა მოჰხდა საიმისო?
რამ აგვადლევა? არ უნდათ მუშაობა, მოჯამაგირობა და ღმერთმა





რ ე ნ ე ზ ი ზ ი ა ნ ი .
საფრანგეთის მინისტრთა საბჭოს ახალი პრემიერი.

ხელი მოუმართო! ჩვენც კარგად გავუძღვებით საქმეს. მაშ ასე შე-
შლილებით რად დავრბივართ? — ჰფიქრობდა დიმიტრი. ისიც კი
ეგონა, რომ ანომ თეფში ტყუილად წაიღო სათონეში: ეხლა ეს
თეფში არავისთვისაა საკირო. მაგრამ დიმიტრი უფრო შვილის ძა-
ლიან აღმა-ცერად გადმოხედვამ დააფიქრა. რა იყო ამ გადმოხედვა-
ში დაფარული. ან რატომ პირდაპირ არ შეჭებდა, თუ კი შეხედვა
უნდოდა? — გაიფიქრა დიმიტრამ და ამ გადმოხედვაში მან დაინახა:
შიში, მისდამი წყენა, გამტყუნება, თითქოს ის იყო დამნაშავე ამ
არეულობისა.

ეს სამი დღეა, რაც სოფელში გაფიცვა გამოცხადდა და თა-
ვად დიმიტრის ოჯახს მოჯამაგირენი ჩამოჰშორდნენ. ამ სამ დღეში
ოჯახი თავდაყირა დადგა: კნენა ჰბრაზობდა. ანო ჰბრთობდა, თა-
მარა იცინოდა, მოხუცი კნენა, დიმიტრისა, რაღაცას ჰბუტბუტებდა,
ხოლო თითონ თავადს კი თავი ვერ გაერთვა მომდგარ გრძობათა
და აზრებისათვის, ოთახში უხეიროდ დაჰყალიბდა, მოსაქმე ცოლ-
შვილს ფეხებში ედებოდა და უჩვეულო ხელით აღებულ ჭურჭელს
ამტვრევდა. ყველა მოჯამაგირე ერთბაშად წავიდა. მეძროხე სო-
ლომ სალამიც კი არ მიჰსცა, ისე გაიბარა, პურის მცხოველი დედა-
კაცი მართა კნენისთან შევიდა და მოახსენა:

— აი, კნენა! მოგახსენებენ, ეხლა ერთობა ჩამოვარდა და
ყველამ თავისთვის უნდა იმუშავოსო. მოჯამაგირე აღარავის უნდა
ჰყავდესო. პურიც თითონ გამოაცხონ და წყალიც თითონ ჰზიდონო,
ძროხასა და ღორსაც თითონ მოუარონო. ეხლა ჩვენც გავიგეთ ყვე-
ლაფერიო.

— რა გავიგეთო? — ჰკითხა გაწიწმბებულმა კნენამ. —

— რა მოგახსენოთ! აგრე მოგახსენებენ: ჩვენც გავიგეთ ყვე-
ლაფერიო. უკაცრავად კნენავ, მეც უნდა გიახლოთ. ამდენი ხანია
თქვენი პური მიცხვია, კი არ მემეტებით, მაგრამ ასე ჰბრძანესო და
უნდა წავიდე.

— ვინა ჰბრძანაო! — თავ-შემაგრებით ჰკითხა გაბრაზებულმა
კნენამ.

— რა მოგახსენო, ასე ჰბრძანესო.

— გადირია ხალხი! შეაჩვენოს ღმერთმა — შეჰსძახა დიმიტრამ.

— მართალს ჰბრძანებ, კნიაზო, მართალსა! — უპასუხა მართამ: —
ვერა გამიგია რა! ღმერთი აღარ გვინდაო, ხელმწიფესა და ბატონს
სამსახური აღარ ერგებათო! თქვენი რისხვა არა მქონდეს, ვერა გა-
მიგია რა — სთქვა მართამ და ბუტბუტით გავიდა ოთახიდან, თით-
ქოს ამ ბუტბუტით უნდა გაიგოს ის, რაც ვერ გაუგიაო; თითქოს
ანგარიშს უწევდა ახალს.

ასე დაიწყო ეს ახალი, თავ-გზა აწეწილი, აროდეს ნახული, არ
გავონილი ცხოვრება და არავინ იცოდა როდემდის იქნებოდა ეს
ნერვებ აშლილი, საშიში და საკომიკო მდგომარეობა, სადაც კაცი
ყველაფერს ჰხედავდა, ყველაფერს ისმენდა და ჰგრძობდა, მაგრამ
გაგებით კი ვერა გაეგო რა. ჯერ ხანად კი ერთი რამ ისმოდა:
მკვლელობა, ცარცვა, ცეცხლი, ჩეხა.

სალამობით, როდესაც ქვეყანას მაისის გრილი, მშვიდი, მთვა-
რიანი ბინდი გადაეკეროდა ხოლმე, დიმიტრი დერეფანში დადგებო-
და, ხოლმე და მიდამოს გასცქეროდა. ნერვებ აშლილობა ბუნებასაც
ეტყობოდა. წუთს ჩუმი ხეებით ნიავის ქროლვით აშრიალდებოდა

ხოლმე და წუთსვე ჩუმდებოდა. ძაღლებიც კი გაყუჩებულიყვნენ
თითქოს იმათაც სიკვდილისა ეშინიანთო, იმალებოდნენ ჩუმათ იყ-
ვნენ და ყვეფით არავის ამცნობდნენ თავიანთ არსებობას. თავადის
გულში მოუსვენრობა ძლიერდებოდა. დიმიტრი გასცქეროდა იმ მი-
დამოს, რომლის წიაღშიაც დაიბადა, გაიზარდა, იცხოვრა, 55 წელი
გაატარა, გაჰსცქეროდა და დღის გაუგებრობა ძლიერდებოდა. აქ, ამ
მიდამოს ჰბატონობდა ოდესღაც ძლიერი მისი მამა-პაპანი, იმათი
იყო ეს სოფელი; ეს გლეხები იმათა ჰყმობდნენ! მისი წინაპრებისა
სოფელს ეშინოდა, პატივსა ჰსცემდა, ემსახურებოდა, ფეხის გულებს
უხელდა და დღეს კი, დიმიტრის ოჯახს, შვილს ოდესღაც დიდი
გვარისას, რიღაცისა ეშინოდა, რაღაცას ეკრძალებოდა. თავის გარ-
შემო შექმნილ ატმოსფერას დიმიტრი ყურს უგდებდა, ღონდებოდა,
ობრავედა! მაგრამ საკვირველი იყო: ის გრძობდა, რომელიც დღისით
თავს იჩენდა ხოლმე, ღამ-ღამობით კი თავის ადგილს სრულს შიშ
უთმობდა. ეს გრძობა იყო, სიცილის გრძობა, გულის ძირში რომ
უღიტიანებდა. და ეტყობოდა, ეს ღიტიანი ოჯახის ყველა წევრს ჰქონ-
და, რადგანაც მათი მოძრაობა ნერვიანი იყო, მოღმირი, მაგრამ
საშიში, ალერსიანი, მაგრამ — ბრაზიანი. თითონ დიმიტრიც გაბრაზე-
ბული იყო, მაგრამ ყველას: დედას, ცოლს, შვილს, ალერსით ექცეო-
და, თითქოს ეშინოდა, არავის ვაწყენინო რამე, თორემ ვინმე მათგა-
ნი კეტს დამარტყავს თავშიო. დაკვირვებული დიმიტრი კარგად
ჰხედავდა, რომ ყველას ასეთივე გრძობა ჰქონდა, ყველა ჰბრაზობ-
და, მაგრამ ყველა ალერსიანობდა მხოლოდ იმიტომ, რომ მამას შვი-
ლისა ეშინოდა, ქმარს ცოლისა, დას — დისა და ყველას ერთმანეთისა.
ამიტომ იყო, რომ ყველა ღიმილით ჰლაპარაკობდა, ყველა ერთმა-
ნეთს უაღერსებდა, ეხუმრებოდა, თითქოს მხოლოდ იმიტომ რომ
ერთმანეთის ისედაც ნატყვენ გულს უარესად არაფერი ვატყინოთო.
და საკვირველი ერთი რამ იყო: ამ უცნაურმა მდგომარეობამ, ამ
გაფიცვამ, შიშმა და მოკანკალე საქმიანობამ შექმნა ის, რაც ეკლდა
წარსულს, შედარებით მშვიდ ცხოვრებას. ეს იყო მჭიდრო კავშირი
ოჯახის წევრთა, კავშირი ალერსიანი და სიყვარულით გამთბარი,
უცნაური, მაგრამ სასიამოვნო და მამოძრავებელი. თითქოს მხოლოდ
ეხლა, როდესაც ინსტიტუტ გათავებულმა ანომ — რომელმაც აქამდის
ჩაის გაკეთებაც კი არ იცოდა, — ჭურჭლის რეცხვა დაიწყო, როდე-
საც განებიერებული კნენა თებრო თონეში ჩაეყუდა და მოქეიფე
დიმიტრამ ბოსელი დაჰხვეტა — მხოლოდ ეხლა გაჩნდა ოჯახი, ტკიბი-
ლი სიტყვა, თბილი კერა, და სწორედ ეს იყო საამური. წინედ, რო-
დესაც ცხოვრება მშვიდი იყო, ნერვები დალაგებული, ოჯახს ეს
სიტყობეა ეკლდა. მაშინ ყველა უკმაყოფილო იყო, ყველა ჰგრძობ-
და ღარიბ ცხოვრების სუსხს, ყველას ჩუმი, უჩინარი ნალველი ეწვა
გულზე, ნალველი წარსულ ფუფუნებისა, კმაყოფილებისა და ახლან-
დელ სიღარიბისა და ნაკლებულებისა.

დიმიტრის აგონდებოდა ხოლმე თავისი მამა, თავადი ესტატე:
მძიმე, დარბაისელი, წვერ-მოპარსული და დიდ-ულვაშა. მას მუდამ



გამოჩენილი მეცნიერი, პროფესორი **ჰუგო უზხარაძი**
ქ. (მისი მოღვაწეობის 50 წლის შესრულების გამო)

აბრეშუმის კაბა ეცვა ხოლმე, თვალეები გადმოკარკლული ჰქონდა და
გლეხებს მისი ეშინოდათ. რა მოუვიდოდა იმ განებიერებულს, სხვა-
თა დამორჩილების ჩვეულს, ეხლა რომ ცოცხალი იყოს! — დიმიტრის

კარგად ახსოვდა მამა და მისი ცხოვრება, და ეხლა რომ იგონებდა, არ იცოდა, შეჰშურებოდა თუ არა. მხოლოდ უკვირდა მთელი ცხოვრება მამისა და თავისი ცხოვრების დასაწყისი.

— იქნებ მართალიც იყოს ხალხი თუ ბედი! განუწყვეტელს ქეიფს საღმე უნდა ჰქონოდა ბოლო. ამდენს აღმართს ერთი დაღმართიც ექნებოდა, ნათქვამია, და, აი, ეს დაღმართი ეხლა მოვიდა. ამ დაღმართზე დაეშვება ჩვენი გვარი და, ერიპაა!.. წადი, სდიე ბიჭო! ვილა დაუჭერს თავს? არავინ ისე, როგორც არავინ იყო თავის დამპყრერი მაშინ, როდესაც მის მამას და ერთ დროს თითონ დიმიტრისაც, ერთი სტუმრის ერთი „კარგი“ სადილი ოცი—ოცდაათი თუმანი უჯდებოდათ. კარგად ახსოვს მაშინდელი სუფრა: თეთრი, გრძელი, ათასნაირ საკმელებით სავსე, ვერცხლით ბრწყინვალე. რა იქნა ყველა ეს? ვთქვათ გასატეხი გატყდა, შესაქმელი შეიჭამა, მაგრამ რა იქნა ვერცხლეულობა, ის ჩუქურთმიანი აზარ-ფეშანი, კულეები, ყანწები, მძიმე კოვზები, სინები? დიდი ხანია დიმიტრამ აღარ იცის რა იქნა. სათითაოდ, ნელნელა გამოეცალა ხელიდან ყველაფერი, შეუმჩნევლად დაიკარგა. ათობით მოახლენი მუდამ თავს ედგნენ, ეხლა კი სოფლისათვის აუცილებელი სამი მოჯამაგირეც კი წაართვეს და მოჰხდა ის, რაც მის გვარში აროდეს მომხდარა, რაც წინედ შეიძლება გვარის დამამკირებელიც იყო: კნენა სარეცხსა ჰრეცხდა, კნიაჟნები ნახშირში ხელებს ურევდნენ. განა წინედ კი არ უმუშავნიათ, მუდამ აკეთებდნენ რაც შეეძლოთ, მაგრამ ასეთ დამამკირებლად არ ეჩვენებოდათ.

მოდრაობის დასაწყისში, პირველ-ხანად, თავადი დიმიტრი ეშხს არ იტყუნდა: ძველი, ძლიერი დიდებული ცოტა კიდევ შეჰრჩენოდა მის სულს და ასე ეგონა ახალ ამბებს, ახალ მოძრაობას ჩემთან ხელი არა აქვსო, მაგრამ როცა მოჯამაგირენი ჩამოაცალეს, იგრძნო ძალა ახლისა. მხფლოდ ეხლა დაუკვირდა წარსულსა და აწმყოს, მხოლოდ ეხლა მიჰხვდა, რომ ყველაფერს, რაც კი მის გარშემო ჰხდებოდა, თავისი ღრმა და აუცილებელი სათავე ჰქონდა. ხანდისხან ისიც ეგონა, ვითომ ამ სათავეში მეცა ვდგევარო, მაგრამ როგორ და რა გზით უნდა მდგარიყო, ეს კი აღარ იცოდა. ამ რიგად თავში ყველაფერი ერეოდა ფიქრით დაღლილი, მომდგარ გრძნობებით დაქანცული სახლის ფანჯრებს შეჰხედავდა ხოლმე. ფანჯრებს იქით, ოჯახს ეძინა, მაგრამ ეს ძილი წინანდებურ ძილს არა ჰგავდა: ჰაერა თანადაც კი, რომელსაც არა ესმოდა რა, რაღაცასა ჰგრძნობდა, ბავშურ გულს ძილში აოხრებდა, მოუსვენრად იყო და წარა-მარა ჰბრუნავდა, თითქოს მოხერხებულად ვერა წევსო. კნენა და ანო მალ-მალ იღვიძებდნენ, ჰბრუნავდნენ და სიციხით შეწუხებულნი ბალიშებს ისწორებდნენ. ახალმა დრომ ოჯახს საძილე ადგილიც კი დაუკარგა და აურია. აქამდის, გაზაფხულ-ზაფხულობით ყველას გარედ ეძინა ხოლმე, ეხლა კი შიშით მთელი ოჯახი ერთ ოთახში შეკრებილიყო და სიციხით იწოდა.

დიმიტრი ოთახში ფრთხილად შეიპარებოდა ხოლმე, კედლიდან თავის ორ-ლულა თოფს ჩამოიღებდა, გაჰსინჯავდა, მასრებს დაუცვლიდა, თავით იდებდა და საძილედ ემზადებოდა. ტანისამოს გახდა არ უნდოდა ხოლმე, ყოველ შემთხვევისათვის საჭირო იყო ტანთ გაუხდელიობა, მაგრამ მაინც გაიხდიდა ხოლმე, ეს უფრო მეტ გულადობას აძლევდა, რადგანაც ტანთ-გახდილობა ნიშანი იყო დამშვიდებულ, უშიშარ ცხოვრებისა. ამასთანავე ეშინოდა: ჩაცმულმა რომ დავიძინო, ოჯახი უფრო შეშინდებაო და როცა წვებოდა, მხოლოდ ერთი რამ ჰსურდა: დილაზე ყველანი ცოცხლები ავდგეთო, თუმცა დარწმუნებული იყო ერთხელაც არის, იქნება ისეთი დილა, როდესაც ვეღარ ავდგებითო. დღეს თუ ხვალ, მოვლენ „ისინი“, ვინც სოფლად დადიან, რაღაცეებს ჰლაპარაკობენ და თან სიკვდილი დააქვთ; მოვლენ, ყველას დაჰხოცვენ, ყელებს დასჭრიან, შეიძლება ქალებს ნამუსიც კი აჰხადონ. თითქოს შეურიგდა კიდევ ამ აზრს, მაგრამ მაინც არ ეჯერებოდა. ჰსურდა მხოლოდ, რომ თუ დახოცვა იქნება, ყველა ერთად დაგვხოცონ, ოღონდ უმეტესად ნურავინ დაიტანჯება, ნურავის ცრემლი დაიღვრებაო. და როცა მისი ფათურით გაღვიძებულ დედას, ცოლს და ქალს შეჰხედავდა ხოლმე, მათს თვალეში შიშსა ჰხედავდა და იმავე საერთო სიკვდილის სურვილს ჰკითხულობდა „დაგვხოცვენ, აგვაოხრებენ“—უსიტყვოდ ამბობდა მითი თვალეში. აშკარა იყო, რომ გატენილი თოფის იმედი აღარავის ჰქონდა და ხსნა არსაით იყო.

— ღმერთო, დილა მშვიდობით გაგვიტენე! ჰბუტბუტებდა მოხუცი დედა.

დღისით კიდევ არაფერი. მაშინ საქმიანობაში იყვნენ ხოლმე გართულნი და მზის სინათლეს შიშს თითქოს ჰფანტავდა, მაგრამ ღამე იყო ძნელი, ღამე ბნელი, შავი, საიდუმლო, ახლანდელ ცხოვრებასავით საიდუმლო; თითქოს მის სიშავეში ჰმარხია გასაგებად ძნელი მომავალი ხალხისათ. ღამე იღვიძებდა ფიქრი, ფიქრი წარსულისა, აწმყოსი, და სიკვდილისა. მომავალი კი აღარ იყო, იგი გაჰქრა და მისი ალაგი სიკვდილმა დაიპყრო. დიმიტრი ნელა წვებოდა იმ ფიქრით, რომ ხვალინდელი დღე ძნელად თუ გაგვიტენდესო. ხანდისხან იფიქრებდა ხოლმე, ცოლშვილი ქალაქს გადავასახლოვო, მაგრამ ეს შეუძლებელი იყო: მისი სარჩო-საბადებელი უპატრონოდ დარჩებოდა და ერთს საათში გაანიაგ-წყალბდნენ, მერე, ხომ, სულ ერთი იყო, იქნებოდნენ ცოცხალნი თუ არა; მეორეც ისა, რომ წასვლა სოფლიდან, მგზავრობა სახიფათო იყო, გზაში გაქცეულებს უფრო ადვილად დაგვხოცავნო, იფიქრებდა ხოლმე დიმიტრი და როცა თვალზე დახუჭულ ცოლ-შვილს უტყერდა, ხანდისხან ჰგრძნობდა, რომ იმათ სიკოცხლებედაც და ბედნიერებაზედაც უკვე ხელი აუღლიათ და ბედს შეჰრიგებინან, თითქოს მათთვის სულ ერთი გამხდარა, დაჰხოცავდნენ მათ თუ არა. ეს თითქმის ამშვიდებდა დიმიტრის და ერთი ნახევარ საათით წაჰსთვლემდა ხოლმე, მაგრამ ისევ მალე ეღვიძებოდა და თავი ისევ იმ საშინელ, დამალავ აზრებით ეცებოდა.

გაივლიდა ხოლმე ღამე, თენდებოდა დილა მზიანი, მხიარული, გული ცოტას მშვიდდებოდა და კვლავ იწყებოდა ნერვებ აშლილი, აჩქარებული, არ საჭირო მოძრაობა და გულის ლიტინი.

ი. ტატიშვილი.

(დასასრული იქნება).



მ. ვალინტ.

ბ. გუბაჩინის თავად-აზნაურთა უკანასკნელი კრებების „გზირი“.